



Broj: 06-14-2078/17
Sarajevo, 30.03.2017. godine

Na osnovu člana 64. Zakona o dopunskim pravima boraca - branitelja Bosne i Hercegovine („Službene novine Kantona Sarajevo“, broj 45/12- Prečišćeni tekst i 26/14), člana 3. stav 2. i člana 34. stav 2. Pravilnika za utvrđivanje prava na dodjelu jednokratne novčane pomoći i prava na obezbjeđenje ogrjeva („Službene novine Kantona Sarajevo“, broj 30/09 – Prečišćeni tekst, 7/11, 30/13 i 14/15), a u skladu s tačkom 30. Javnog oglasa za podnošenje zahtjeva za ostvarivanje određenih prava porodica šehida i poginulih boraca, ratnih vojnih invalida i demobilisanih boraca u Kantonu Sarajevo za 2017. godinu, broj: 06-41-1529/17, objavljenom u dnevnom listu „Oslobođenje“ dana 21.01.2017. godine, Ministarstvo za boračka pitanja Kantona Sarajevo, o b j a v l j u j e

JAVNI POZIV ZA PODNOŠENJE ZAHTJEVA ZA OSTVARIVANJE PRAVA NA OBEZBJEĐENJE OGRJEVA BORAČKOJ POPULACIJI U KANTONU SARAJEVO

Predmet Javnog poziva je ostvarivanje prava na obezbjeđenje ogrjeva borcima-braniteljima Bosne i Hercegovine iz sredstava Ministarstva za boračka pitanja Kantona Sarajevo planiranih Budžetom Kantona Sarajevo za 2017. godinu.

Na ovaj Javni poziv zahtjeve mogu podnositi pripadnici boračke populacije sa područja Kantona Sarajevo koji ispunjavaju uslove propisane čl. 1. i 2. Zakona o dopunskim pravima boraca-branitelja Bosne i Hercegovine („Službene novine Kantona Sarajevo“, broj 45/12-Prečišćeni tekst i 26/14) (u daljem tekstu: Zakon) i to: porodice šehida i porodice poginulih, umrlih i nestalih branitelja, branitelji, dobrovoljci i organizatori otpora, veterani, učesnici rata, ratni vojni invalidi, mironodopski vojni invalidi, dobitnici ratnih priznanja i odlikovanja i članovi porodica poginulih, umrlih i nestalih dobitnika ratnih priznanja i odlikovanja, a u skladu sa Pravilnikom za utvrđivanje prava na dodjelu jednokratne novčane pomoći i prava na obezbjeđenje ogrjeva („Službene novine Kantona Sarajevo“, br. 30/09 – Prečišćeni tekst, 7/11, 30/13 i 14/15) (u daljem tekstu: Pravilnik).

1. OBLIK OSTVARIVANJA PRAVA

Pravo na obezbjeđenje ogrjeva boračkoj populaciji u Kantonu Sarajevo ostvaruju lica na način da će se ogrjev isporučivati na adrese krajnjih korisnika ovog prava na području Kantona Sarajevo, a na osnovu dostavljenih spiskova od strane Ministarstva za boračka pitanja Kantona Sarajevo, putem izabranog najpovoljnijeg dobavljajača za nabavku, transport i isporuku donacije ogrjeva, izabranog u skladu sa Zakonom o javnim nabavkama Bosne i Hercegovine. Pod pojmom ogrjeva u ovom slučaju smatra se 4 PRM (prostorna metra) bukovog ogrjevskog drveta I klase (komadi drveta izrezanog iz trupaca na dužinu 20-30 cm), a zatim iscjepkanih na glavinje prečnika 10-20 cm, te složenih u paletu 1 PRM (prostorna metra).





2. KORISNICI PRAVA

Pravo za ostvarivanje prava na obezbjeđenje ogrjeva boračkoj populaciji u Kantonu Sarajevo imaju socijalno najugroženiji pripadnici boračke populacije i to:

- a) ukoliko isti ispunjavaju uslov određen članom 31. Pravilnika kojim je određeno da imaju prebivalište, odnosno boravište na području Kantona Sarajevo;
- b) ako su u propisanom roku ovog Javnog poziva predali potpunu dokumentaciju.

3. KRITERIJI ZA PRIORITETNO RJEŠAVANJE PODNEŠENIH ZAHTJEVA

Članom 32. Pravilnika su određeni kriteriji za ostvarivanje prava na obezbjeđenje ogrjeva i to:

- 1) da je lice iz čl. 1. i 2. Zakona i da isključivo koriste čvrsti ogrjev za zagrijavanje stambenog prostora;
- 2) nezaposlena lica iz čl. 1. i 2. Zakona, lica težeg imovnog stanja čiji ukupni prihod ne prelazi 12% od prosječne plaće u Kantonu Sarajevo u prethodnoj godini po članu domaćinstva (123,00 KM), izuzev porodica šehida i porodica poginulog, umrlog, nestalog branioca koji ovo pravo mogu ostvariti bez obzira na ukupni prihod po članu domaćinstva, a na prijedlog Komisije za dodjelu jednokratnih novčanih pomoći;
- 3) težak socijalni i zdravstveni položaj podnosioca zahtjeva ili članova njegovog porodičnog domaćinstva;
- 4) veći broj članova porodičnog domaćinstva;

Prioritet za ostvarivanje ovog prava pod jednakim uslovima imaju podnosioci zahtjeva koji ranije nisu bili korisnici ovog prava, kao ni druga prava iz oblasti socijalne zaštite putem dodjele jednokratne novčane pomoći.

4. POTREBNA DOKUMENTACIJA

a) Osnovna dokumentacija koju prilaže podnosilac zahtjeva

1. dokaz o pripadnosti boračkoj populaciji po odredbama čl. 1. i 2. Zakona o dopunskim pravima boraca-branitelja Bosne i Hercegovine, i to:
 - za branitelja, dobrovoljca i organizatora otpora, veterana, učesnika rata – Uvjerenje od općinskog odjeljenja sektora za vojne evidencije Federalnog ministarstva za pitanja boraca o učešću u OS RBiH sa upisanim razlozima iz okolnosti člana 36. Zakona o pravima branilaca i članovima njihovih porodica („Službene novine Federacije BiH“, br. 33/04, 56/05-Ispravka, 70/07 i 9/10) ukoliko postoje. Za pripadnike OS RBiH koji su iste napustili prije 23.12.1995. godine potrebno je dostaviti Rješenje o demobilizaciji od nadležnog organa;
 - za porodice šehida i porodice poginulog borca, umrlog, nestalog branitelja-reviziono rješenje o priznavanju prava na porodičnu invalidninu i uvjerenje da je i dalje korisnik porodične invalidnine izdato od nadležne općinske službe za boračka pitanja;





- za ratnog vojnog invalida, mirnodopskog vojnog invalida - reviziono rješenje o priznavanju prava na ličnu invalidninu i uvjerenje da je i dalje korisnik lične invalidnine izdato od nadležne općinske službe za boračka pitanja;
 - za dobitnika ratnih priznanja i odlikovanja i člana porodica poginulih, umrlih i nestalih dobitnika ratnog priznanja i odlikovanja-rješenje o ostvarivanju novčane naknade za dobitnike ratnih priznanja izdato od nadležne općinske službe za boračka pitanja;
2. fotokopija lične karte za podnosioca zahtjeva i prijave mjesta boravka – prebivališta za podnosioca zahtjeva i sve članove porodičnog domaćinstva;
 3. kućna lista;
 4. uvjerenje Službe za zapošljavanje ukoliko je podnosilac zahtjeva nezaposlen kao i za njegove nezaposlene članove porodičnog domaćinstva;
 5. medicinska dokumentacija o bolesti za podnosioca zahtjeva i njegove članove porodičnog domaćinstva;
 6. dokaze o ukupnim mjesečnim primanjima podnosioca zahtjeva i članova njegovog porodičnog domaćinstva po osnovu: radnog odnosa, boračko-invalidske zaštite, penzije, samostalne djelatnosti i drugih osnova (za redovne i redovne samofinansirajuće studente potvrda visokoškolske ustanove o navedenom statusu);
 7. izjava data i ovjerena u Općini kao dokaz o činjenici da domaćinstvo isključivo koristi čvrsto gorivo za zagrijavanje stambenog prostora u kojem živi;
 8. izjava data i ovjerena u Općini, kao dokaz o činjenici da ranije jeste-nije ostvarivao pravo na obezbjeđenje ogrjeva putem ovog Ministarstva;
 9. uvjerenje da podnosilac zahtjeva kao ni punoljetni članovi njegovog porodičnog domaćinstva nisu evidentirani kao poreski obveznici (izdaje Porezna uprava općine po mjestu boravišta/prebivališta)
 10. rodni list za samce, da nije starije od šest mjeseci, za lica koja su nosioci prava po osnovu umrlog demobilisanog borca potrebno je dostaviti izvod iz matične knjige umrlih, za podnosioca zahtjeva kao i za članove porodičnog domaćinstva koji su bili u bračnoj zajednici potrebno je dostaviti rješenje o razvodu braka.

5. LICA KOJA NE MOGU OSTVARITI PRAVO

Saglasno Zakonu pravo na obezbjeđenje ogrjeva ne mogu ostvariti:

1. Pripadnici boračke populacije koji nemaju prijavljeno prebivalište-boravište na području Kantona Sarajevo;
2. Pripadnici boračke populacije koji nisu proveli neprekidno jednu godinu u Oružanim snagama RBiH u periodu od 20.06.1992. godine do 23.12.1995. godine;
3. Pripadnici boračke populacije koji su proveli više od jedne godine u Oružanim snagama RBiH, a iste su samovoljno napustili, odnosno da postoji razlog u smislu člana 36. Zakona o pravima branilaca i članova njihovih porodica (“Službene novine Federacije BiH“, broj 33/04,56/05,70/07 i 9/10);
4. Pripadnici boračke populacije koji su podnijeli zahtjeve sa nepotpunom dokumentacijom;
5. Pripadnici boračke populacije koji nisu podnijeli zahtjeve u propisanom roku ovog Javnog poziva;





6. Podnosioci zahtjeva za koje Ministarstvo za boračka pitanja Kantona Sarajevo provjerom ustanovi da su dali netačne podatke;
7. Podnosioci zahtjeva kojima su dodjeljene novačne pozajmice za otvaranje radnih mjesta i novačne pozajmice za rješavanje stambenih potreba, a nisu uredno izvršili povrat dodjeljenih sredstava ili ne izvršavaju redovno preuzete obaveze vraćanja dodjeljenih sredstava.

6. ROK PODNOŠENJA ZAHTJEVA

Prijem zahtjeva Ministarstvo za boračka pitanja Kantona Sarajevo će vršiti od dana objavljivanja Javnog poziva zaključno sa **19.04.2017.** godine.

7. MJESTO PREUZIMANJA ZAHTJEVA

Zahtjevi na posebno propisanim obrascima sa potrebnom dokumentacijom mogu se preuzeti na internet stranici: <http://mbp.ks.gov.ba>, info-punktu Ministarstva za boračka pitanja Kantona Sarajevo (šalter sala Kantona Sarajevo).

8. MJESTO PODNOŠENJA ZAHTJEVA

Za priznavanje i ostvarivanje navedenog oblika prava, podnose se zahtjevi na posebno propisanim obrascima sa potrebnom dokumentacijom na slijedeću adresu: Ministarstvo za boračka pitanja Kantona Sarajevo, ulica Reisa Dž. Čauševića br.1, 71000 Sarajevo putem pošte ili ličnim podnošenjem u šalter sali Kantona Sarajevo.

Informacije vezano za predmet Javnog poziva mogu se dobiti na info-punktu Ministarstva za boračka pitanja Kantona Sarajevo (šalter sala Kantona Sarajevo) telefon: 033/562-273 i u Sektoru ministarstva telefon dir. 033/562-010.

9. OBRADA ZAHTJEVA

Nakon završene obrade zahtjeva i formiranja liste lica koja su u skladu sa ovim Javnim pozivom, Zakonom i Pravilnikom ostvarili naznačeno pravo, Ministarstvo za boračka pitanja Kantona Sarajevo objaviće Obavještenje u sredstvima javnog informisanja, na oglasnoj ploči Kantona Sarajevo, da će rezultati biti objavljeni na internet stranici Ministarstva za boračka pitanja Kantona Sarajevo <http://mbp.ks.gov.ba>.

NAPOMENA:

- Obavezno predavati fotokopije dokumenata koje moraju biti ovjerene ili original dokumenta.
- Predata dokumentacija neće se vraćati podnosiocima zahtjeva.
- **Nepotpuni i neblagovremeni zahtjevi se neće uzeti u razmatranje.**

